



ԱՐԱՐԱՏՅԱՆ ՀԱՅՐԱՊԵՏԱԿԱՆ ԹԵՄՈՒՄ

Փետրվարի 16-ին, երկուշաբթի օրը, Արարատյան հայրապետական թեմի առաջնորդական փոխանորդ գերաշնորհ Ս. Գարեգին եպիսկոպոս Ներսիսյանի հրավերով, Երևանի Ս. Սարգիս եկեղեցում սուրբ պատարագ մատուցեց Ա. Էջմիածնի Մայր տաճարի լուսարարապետ գերաշնորհ Ս. Հուսիկ արքեպիսկոպոս Սանթրուրյանը:

«Հայր մեր»-ից առաջ սրբազան հայրը քարոզեց ժողովրդին՝ ևս մեկ անգամ ներանց հոգիներում արթնացնելով Ս. Սարգիս զորավարի և իր որդու՝ Մարտիրոսի մարտիրոսության պատմությունը: Սրբազանը գեղեցիկ և բովանդակալից կերպով ներկայացրեց առաջին քրիստոնյա վկաների մարտիրոսության նշանակությունը քրիստոնեական գաղափարների հաղթանակի և ամրապնդման համար:

Պատարագին ներկա էին թեմի առաջնորդական փոխանորդ Ս. Գարեգին եպիսկոպոս Ներսիսյանը, քահանայից դասը և բազում հավատացյալներ:

*
*
*

Փետրվարի 22-ին, կիրակի օրը, առաջնորդանիստ Ա. Սարգիս եկեղեցում ս. պատարագ մատուցեց Ադրբեջանի հայոց թեմի առաջնորդ Ս. Անանիա եպիսկոպոս Արաքսջյանը:

«Հայր մեր»-ից առաջ առաջնորդը սրբազանը իր քարոզի մեջ հավատացյալներին պատմեց Ադրբեջանական հանրապետությունում գործող հայ եկեղեցիների ներկա վիճակի մասին, փոխանցեց Ադրբեջանի հայ համայնքի եղբայրական ողջույններն ու բարի մաղթանքները:

Այնուհետև սրբազանը ամփոփ և գեղե-

ցիկ կերպով ներկայացրեց սույն թվականի փետրվարի 11-ից 16-ը Մոսկվայում կայացած խաղաղության նվիրված միջազգային համաժողովի աշխատանքները, որին մասնակցեց նաև Ամենայն Հայոց Հայրապետ Ս. Ս. Վազգեն Ա կաթողիկոսը, որպես գլուխ և ներկայացուցիչ Հայ Առաքելական Ողղափառ Եկեղեցու: Ապա սրբազանը ընթերցեց Վեհափառ Հայրապետի՝ համաժողովում արտասանած ճառը:

*
*
*

Ամեն տարի առավել հանդիսավորությամբ և շուքով է տոնվում Ս. Ղևոնդյանց քահանաների նահատակության խնկելի հիշատակը Արարատյան հայրապետական թեմում: **Փետրվարի 24-ին**, երեքշաբթի օրը, Առաջնորդանիստ Ա. Սարգիս եկեղեցում հավաքվել էին սովորականից ավելի հավատացյալներ, ինչպես նաև իրենց ուխտը նորոգելու էին եկեղ Արարատյան հայրապետական թեմում ծառայող բոլոր հոգևորականները:

Օրվա հանդիսավոր տոնի ստյոխի ս. պատարագ մատուցեց Ս. Աթանաս քահանա Մովսիսյանը և «Հայր մեր»-ից առաջ քարոզեց՝ «Ով մեկնեցէ զմեզ ի սիրոյն Գրիստոսի» (Հռոմ. Ը 35) բնաբանով: Պատարագից տեր հայրը Ս. Ղևոնդյանց քահանաների նահատակության օրինակով վեր հանեց հանուն հայրենիքի գիտակցված մահով նահատակվելու վսեմ գաղափարը:

Հավարտ սուրբ պատարագի Արարատյան թեմի առաջնորդարանում, ի պատիվ հոգևոր դասի, տրվեց պաշտոնական ճաշկերույթ:

*
* *

Մույն թվականի փետրվարի 26-ին Վարդանանց Ասհատուկների տոնի առթիվ Երևանի Ս. Զորավոր եկեղեցում պատարագ մատուցեց Արարատյան հայրապետական թեմի առաջնորդական փոխանորդ Ս. Գաբեշին եպիսկոպոս Ներսիսյանը:

տաշատի Մրգավան գյուղի Ս. Հակոբ եկեղեցում: Դեռ շարունակում է հնչել եկեղեցի կերտող շինարար վարպետի մուրճի ձայնը Արարատյան դաշտավայրի այս գողտրիկ հատվածում: Վաղ ստալտից զիլ ձայնով հնչող զանգակների դողանջը այստեղ է հավաքել բազում հավատացյալների:



Առաջնորդական փոխանորդ՝ սրբազան հայրը՝ շրջապատված քահանայից դասով, Երևանի Ս. Մարգիս եկեղեցու շքամուտքի առջև

«Հայր մեր»-ից սուսչ սրբազան հայրը քարոզեց՝ «Որոց ոգիքն թուլացեալ են լերկնատր առաքինութենէն յոժ ընդ ահիւ անկեալ է բնութիւն մարմնոյ» (Եղիշէ) բնաբանով: Սրբազան հայրը հավատացյալներին խորիմաստ հատվածներ հիշեցրեց ոսկեղենիկ Եղիշէի «Վասն Վարդանայ և Հայոց պատերազմի» մատուցանից, որպէս այսօրվա մեր կյանքի և հայրենասիրական ոգու աղբյուր:

*
* *

Այսօր մարտի 18-ն է: Դեռ չեն վերջացել շինարարական աշխատանքները Ար-

ւաշատի պիտի օծվի և սրբագործվի նորակառուց զանգակատան Ս. Խաչը: Այս հանդիսավոր արարողությանը մասնակցելու են եկել նաև Մայր Աթոռ Ս. Էջմիածնի գլխավոր ճարտարապետ Արծրուն Գալիկյանը, կառուցող-ինժեներներ Միքայել Հովհաննիսյանը, Հարություն Մանուկյանը, Հակոբ Բաբախանյանը, բանվորներ, գործադիր և թեմական խորհրդի հարգարժան անդամներ: Արդեն տեղադրված է Ս. Խաչը նորակառուց զանգակատան գմբեթի վրա, որտեղ և պետք է կատարվի սրբազան արարողությունը: Հոգևորականների թափոքը՝ նախագահությամբ Արարատյան հայրապետական թեմի առաջնորդական

փոխանորդ գերաշնորհ Տ. Գարեգին եպիսկոպոս Ներսիսյանի, բարձրանում է վեր և բողբոլում տերունական խաչի շուրջ:

տյառնագրում է. «Օրհնեացի, օճցի և սրբեացի ս. խաչիս և ս. միտունաս և առաք շնորհիվ...»: Արժաթափայլ սուրբ մեռոնի



Մի պահ ս. խաչի օրհնության արարողությունից

Սրբազան արարողությանը մասնակցում են նաև Տ. Կարապետ ախազ քահանա Գրըրճյանը և Տ. Նորայր քահանա Բաղդասարյանը:

Սրբազան հայրը լվանում է ս. խաչը նախ ջրով, ապա գինով: Կարդացվում են մարգարեական ընթերցումներ, Ավետարան: Այնուհետև սրբազանը իր ձեռքը վերցրած ս. Մեռոնը՝ հանդիսավորությամբ

կաթիլները շողշողում են նորած խաչի նախ «զԱկն, ապա գթագն և ապա անեակ թևն և գբունն»: Հնչում է «Խաչի քո Բրիտոս երկիր պագանեմք» շարականը: Թափոթի մասնակիցները մեկ առ մեկ, մեծ երկյուղածությամբ, մոտենում և համբուրում են մեռոնարույր ս. խաչը:

ՆՈՐԱՅՐ ԶԱՀԱՆԱ ԲԱՂԴԱՍԱՐՅԱՆ

